

وثيقة التوانسة

باش نقضيو عالفوضى و نحطو البلاد عالسكة !

خدمناها بعد ما تحاورنا مع 400.000 مواطن
و نقدموها اليوم على التوانسة الكل



تقدمها وتساندها عيش تونسي

ما بين شهر نوفمبر 2018 و شهر مارس 2019 نظمت حركة عيش تونسي إستشارة شعبية نادرة من نوعها. في كامل أنحاء الجمهورية، في الشوارع، في الأسواق، بالتليفون و على الفيسبوك، تلاقينا مع التوانسة باش يوصفولنا مشاكلهم، يحكيولنا على اهتماماتهم و يعرضوا علينا الحلول إلي يراوها ملائمة باش حياتهم تتحسن. شاركونا في الحملة هذي أكثر من 400.000 تونسي و تونسية، و هذا يجعلها أكبر إستشارة شعبية في تاريخ بلادنا. المرحلة هذي مكنتنا باش نخدمو على خارطة طريق تجاوب على المتطلبات العاجلة متع التوانسة. سميناهها "وثيقة التوانسة".

نقضيو عالفوضى و نحطو البلاد عالسكة !

هاو التوانسة شيقولوا : تونس فيها الخير. غنية بمواردها، غنية برجالها و نساها. تبقى فما 5% من ناس انتهازيين و فساد قاعدين يستغلوا في ضعف الدولة باش يخدموا مصالحهم الشخصية.

الناس هاذم هوما إلي قاعدين يجرموا في 95% مالتوانسة باش يعيشوا مطما نين و فرحانيين. إنجمو نعيشو في بلادنا و نساھمو في تنميتها. أما على شرط : نقضيو عالفوضى إلي صنعوها سمسارة السياسة و الإنتهازيين، نحطو البلاد عالسكة و نتخلصو نهائياً مالناس إلي يستغلوا في يأس التوانسة باش يفيدو رواحهم.

ما عاد نستناو شي مالمسياسيين

8 سنين وحننا نعانيو في العيشة إلي غلات، في البطالة إلي طغات، في الأمن إلي غاب، في الفساد إلي ساد. شبابنا ضاع و مصيرو الوحيد هو البطالة و إلا الحرقة. حاسين رواحنا نعيشو في بلاد ما عاد يحكم فيها حد، بلاد إلي فيها طبقة من الانتهازيين و سمسارة السياسة حاطة

يدها على تونس في عوض ما تمد يدها للتوانسة. فهمنا اليوم إلي ما عنا ما نستناو مالناس هذم. ببساطة الناس إلي خربت البلاد مهاش هي إلي باش تجي تصلحها توا.

ايجا نساندو وثيقة التوانسة و نحطو مع بعضنا البلاد عالسكة !

الشهادات إلي تحصلنا عليها مكنتنا باش نقترحو 12 إجراء مستعجل في شكل وثيقة. اجرائات عملية و سهلة التنفيذ، تجاوب على المشاغل اليومية متع التوانسة من غير ما تمثل تكلفة على المواطن . اليوم سمسارة السياسة معملين على عزوف التوانسة في الإنتخابات باش يكملوا في الثنية إلي بداو فيها، باش يوزعوا بين بعضهم المناصب و الإمتيازات. أما كان نتلمو و نلقاو برشة توانسة يصادقوا و يدافعوا على وثيقة التوانسة، وقتها إنجمو نغيروا المعادلة. وقتها نسترجعو بلادنا و نصنعو مستقبل أفضل لنا، لعيالاتنا و لتونس.



نصحو على وثيقة التوانسة

وثيقة التوانسة

نكتشفو 12 إجراء

1 نحيو الإمتيازات إلي يستمتعوا بها السياسييين إلي شادين المناصب

1

بلادنا معادش محكومة. المسؤولية ترجع لطبقة سياسية عدات 8 سنين تخدم في مصالحها الشخصية في عوض ما تخدم مصلحة التوانسة. الناس هاذم يعملوا في السياسية باش ياخذوا امتيازات و يعملوا أفاريات. هذكا علاش باش إنحيو الإمتيازات إلي يستمتعوا بها السياسييين إلي شادين المناصب، باش ما يترشحوش الطماعة و ما يترشحوا كان الناس إلي بالرسمي يحبوا يفيدو التوانسة

2 نوفر و فرقة أمنية في كل وسيلة و محطة نقل

2

وسائل النقل تحولوا لبلايص أبشع حاجات تنجم تصير فيهم. استقروا فيهم السراقة، النطارة و المتحرشين. نحبو نوفر فرق أمنية متكونة و مختصة في الكيران، في المتروا و في الترينوات الكل، و أيضاً في المحطات. على خاطر نعتبرو أنو كل تونسي عندو الحق باش يتنقل في أمان

3 أي إعتداء بالسلاح (براكاج، تحرش، إلخ) باش يعتبر محاولة قتل وباش نحاكموه على الأساس هذا

3

ما عادش نحبو نشوفو توانسة يتعرضوا يوميا للبراكاجات و التحرش. الأقلية إلي قاعدة ترتكب في الجرائم هذي معادش لازم تحس روحها فوق القانون. باش نعاقبو الناس هاذم بشدة. جاء الوقت باش نرجعو نعيشو، احنا وعايلاتنا، مطمانيين في بلادنا

4 نخطو المستشفى العمومي على السكة بمعاقبة السراق و الفاسدين

4

الفوضى و التملح متع المسؤولين خلاو ناس فاسدين يستولو على المستشفى العمومي و يخربوه : سرقة و ترافيك متع دوايات, إبتزاز للمرضى و لعائلاتهم, إلخ. باش نحاكموهم و نعاقبوهم باش نخليو المهنيين متع الصحة يخدموا على رواحهم, و باش نسترجعو المستشفى العمومي إلي نحبوه : المستشفى إلي يعالج التوانسة و يتلهم بيهم

5 نوفر الدوايات الأساسية في الصيدليات و في السبيطارات الكل

5

كل يوم, آلاف التوانسة ينجموا يموتوا و إلا حالتهم تنجم تندهور على خاطر الدوايات إلي حاجتهم بها مهاش متوفرة في الصيدليات و في السبيطارات. الحالة هذي عار في بلادنا. باش نلقاوها حل فوري بتخصيص المبالغ اللازمة باش كل تونسي يلقي الدوايات إلي حاجتو بيها باش يعالج روجو في أحسن ظروف

6 نكافحو غلاء الأسعار بمعاقبة القشارة والوسطاء

6

غلاء المعيشة حكاية معادش يقبلها العقل. المسؤولية ترجع بالأساس للقشارة وللوسطاء إلي يظلموا في الفلاح ويفقروا في المستهلك. الناس هاذم قاعدين يستغلوا في ضعف الدولة باش يحققوا أرباح غير عادية على ظهر التوانسة وعائلاتهم. باش نفرضو على الناس هاذم حد لمرابيحهم وباش نراقبوهم بشدة. وقيت باش كل تونسي يستهلك ويوفر لعائلتو حاجياتها اليومية بأسعار معقولة

7 نحسنو في منحة التقاعد حسب تطور الأسعار

7

المتقاعدين خدموا حياتهم الكل باش يرتاحوا ويتمتعو بالحياة. غلاء الأسعار معادش مخليتهم اليوم يعيشوا ويعاونوا عائلاتهم. المتقاعدين متاعنا ساهموا في بناء تونس. واجبنا إليوم باش ناقفوا معاهم. باش المتقاعدين يعيشوا, باش نربطو في أقرب وقت منحة التقاعد بتطور الأسعار

نضمنو الشفافية والمساواة في المناظرات العمومية

من الحاجات إلي تفسر البطالة، وخاصة بطالة حاملي الشهادات العليا، هو التمييز في المناظرات العمومية. الممارسات هذي تمنع الشبان إلي عندهم كفاءات باش يصنعوا مستقبلهم وفي نفس الوقت تزيد تضعف الإدارة و جودة خدماتها. الظلم هذا ما عايش باش نقبلوه. أسامي المترشحين معادش باش يكونوا مكشوفين وأي موظف باش يتدخل باش يتم طردو نهائياً مالوظيفة العمومية. حاملي لشهادت العليا ينجموا يكونوا كنز يطور تونس كان تتوفر لهم قواعد لعبة عادلة

نسويو وضعية الأراضي و الحوانت إلي مهمش قانونيين

قلة إهتمام السياسيين بالتوانسة خلا برشة ناس تضطر باش ادبر راسها كيما تنجم باش تعيش. الناس هاذم يقعدوا حياتهم الكل في حالة غير قانونية على خاطر مينجموش ياخذوا قرض باش يطوروا مشروعهم و في نفس الوقت ماهمش قاعدين يساهموا في إقتصاد وطني منظم. باش ندمجو التوانسة هاذم الكل في القطاع الرسمي ونتأكدو أنهم يستخلصوا أدواتهم كيما التوانسة الكل

نطردو نهائياً مالوظيفة العمومية كل موظف فاسد

الوظيفة العمومية ساس بلادنا. طورها توانسة وطنيين وبقات واقفة رغم الأزمات ومحاولات تضعيفها. اليوم أغلبية الموظفين يعانوا من أقلية قاعدة تضر في سمعة الوظيفة العمومية وجودة خدماتها. الناس هاذم لازم يتم طردهم في أقرب وقت ونهائياً مالوظيفة العمومية باش ادارتنا تسترجع هيبتها وتولي تقدم خدمات في المستوى للتوانسة

نكونو فرقة مختصة لمقاومة الفساد

مقاومة الفساد تبدا بالناس إلي في قمة الهرم. باش نقضيو على فساد الكبارات، فساد السياسيين ورجال الأعمال، حاجتنا بفرقة أمنية منتشرشاش وتكون لها متوفرة كل وسائل الإستقصاء و التدخل. باش نكونو هالفرقة المختصة، وباش نعطيها صلاحيات خارقة للعادة باش نتخلصو من كل شخص يظن انو علاقواتو ولا فلوسو يحطوه فوق القانون

نقيدو أسامي المحكومين بالفساد في ليستة ينجم يشوفها كل تونسي

12

الفساد آفة ما لازم نبخلو على حتى وسيلة باش نقضيو عليها. هاذاك علاش باش نكملو
نخطو كل شخص تحكم عليه بالفساد في ليستة ينجم أي تونسي يطلع عليها. إلي باش
يطلب ولا يقترح جعالة يعود يخمم مرتين قبل ما يتجرأ

